

CHY3 Scéim Aisíoc Cánach na gCarthanachtaí:

Seo scéim a mbaineann an Paróiste tairbhe as chun aisíoc cánach a fháil ar síntiús os cionn €250. Tá muid thar a bheith sásta agus buíoch as ucht an tacaíocht a fuair muid go dtí seo. An tseachtain seo chugainn beidh muid ag seoladh an fhoirm CHY3 ag chuile dhuine a thug síntiús ós cionn €250 anuraidh (2025) **agus nach bhfuil foirm sínithe acu go dtí seo.**

Seol ar ais an fhoirm CHY3 sa clúdach iniata chomh luath agus is féidir leat le do thoil.

Míle Buíochas as bhur dtacaíocht

Biseach 2026

Beidh Biseach, irisleabhar Chumann Forbartha Chois Fharraige, á fhoilsiú arís i mbliana. Má tá suim agatsa píosa a scríobh do Bhiseach na bliana seo, ba bhreá linn cloisteáil uait!

Má phós tú i 2025 nó má tá sé de rún agat pósadh i mbliana agus gur mhaith leat go mbeadh do phictiúr bainise san iris, seol chugainn iad!

Beidh fáilte mhór freisin roimh sheanphictiúirí.

Ba mhaith linn cloisteáil freisin ó dhaoine a raibh páistí acu i mbliana nó anuraidh le freagra na ceiste seo:

Cén cineál Cois Fharraige ar mhaith leat a fheiceáil do do pháiste?

Féadfaidh do fhreagra a bheith chomh fada nó chomh gearr agus is maith leat agus ba bhreá linn pictiúr de do pháistín freisin!

Bí i dteagmháil linn ag:

biseach2026@gmail.com

Maidin Chaife

Máthair & Leanbh

Leabharlann an Spidéil

Gach Dé Máirt 11-12

Buail isteach le haghaidh cupán tae/caife agus comhrá le tuismitheoirí nua eile.

Fáilte Romhat, A Rí an Domhnaigh Bheannaithe

Fáilte romhat, a Rí an Domhnaigh bheannaithe,

Lá breá aoibhinn cois bruach na farraige.

Fáilte romhat, a Réalt gheal na mara,

Lá breá aoibhinn d'fhonn Críost a agallamh.

Fáilte romhat, a Dhia na gil' 'sna gréine,

'Thug an lá dhúinn le grá 's le féile.

Fáilte romhat a Mhaighdean ghlórmhar ghléigeal,

Stiúraigh muide chuig tAon Mhac Íosa.

Buíochas leat, a Dhia

Buíochas leat, a Dhia, as ucht na híobartha seo.

Go líona sé ár geroíthe le grásta.

Go raibh againn i gcónaí a shuaimhneas is a shíocháin.

Moladh go deo le Dian a glóire. (x2)

Bíodh grá againn d'ár gcomharsain gach oíche 's lá,

Is grá againn do Íosa, ár Slánaitheoir, Go gcanaimid le chéile an t-amhrán se oar neamh.

Moladh go deo le Dian a glóire. (x2)

Dé Satharn 18ú Iúil 2026. @ 12.00 meán lae.

Mary Keady Baile Liam/BAC a fuair bás le gairid i mBaile Átha Cliath.

Cuirfear Mary i Reilig an Coilligh ag Meán Lae.

Ar dheis De go raibh a anam dílis



PARÓISTE AN SPIDÉIL AN CÚIGIÚ DOMHNACH DÉAG A

11ú/12ú Iúil 2026

An tAthair Daniel Gallagher S.P. www.cilleinde.ie

Oifig: 083 8126745

Ríomhphost: cilleinde@outlook.ie **Uaireanta**

Oscalte:: Dé Máirt, Déardaoin, Dé hAoine 10.00 - 2.00

Aifrinn & Intinní na Seachtaine

				<i>Cill Éind. Spidéil</i>	
Dé Domhnaigh	12ú	11.00r.n.	Colm Ó Cadhain Seán Ned Breathnach Muintir Dunford Lilly Kealy fuair bás le gairid Pádraic Ó Droighneáin, a thuismitheoirí, Beartla & Cáit & a dheirfiúracha, Máirín, Peig & Sal agus muintir ar fad, Siobhán & Diarmaid Ó Gráinne, a clann mac Diarmaid, Máirtín Pádraig, a bhean Mai, & Cait Ní hÓgáin	3ú Cuimhneachán	<i>Cnocán Glas Sidheán Co. an Clár Londain Baile an tSléibhe Aill a Preacháin</i>
Dé Céadaoin	15ú	10.00r.n.			
Déardaoin	16ú	10.00r.n.	Muintir Mc Donagh		<i>Cregg/Leitir Mullen</i>
Dé hAoine	17ú	10.00r.n.			<i>Missa Pro Populo</i>
Dé Satharn	18ú	12.00	Mary Keady	Reilig an Coilligh	<i>Baile Liam/BAC</i>
Dé Domhnaigh	19ú	11:00r.n.	Tomás Ó Céidigh (Seán) Seán Ó Cualáin & gar pháiste Oli Peigín Ní Chéidigh & a mhuintir Seán Ó Neachtain Jim Flaherty	6ú Cuimhneachán	<i>Seanaghurráin Salahoona Salahoona Baile Ard Baile an tSléibhe/California</i>
				<i>Cill Treasa. Ros a' Mhíl.</i>	
Dé Sathairn	11ú	6:30i.n.	Geraldime Mhic Dhonncha Aifreann Cinn Míosa Micheál Ó Coisdealbha , a dhá mhac Pádraic & Ned	(Phateen a'Tailliúra)	<i>Baile Láir Na Doireadh</i>
Dé Sathairn	18ú	6:30i.n.	Seán Leainde & a thuismitheoirí, Máirtín & Bríd & a dheartháir céile Seán. Colm Breathnach		<i>Barr Roisín/Ros a' Mhíl Gleamach Muirín</i>
				<i>Cill Mhuire. Na Minna</i>	
Dé Domhnaigh	12ú	9:30am	Cole Curran deifúir Ann Flaherty & Deartháir Jimmy Curran, Máire & Máirtín Ó Curraoin tuismitheoirí.	Céad Cuimhneachán (Iúil) Céad Cuimhneachán (Meitheamh)	<i>Minna/Londain Minna/Boston</i>
Dé Domhnaigh	19ú	9:30am	Mary Dillane Pádraic Ó Márta		<i>Minna Minna</i>

Loinneog don Iontróid— Sm 105:47— Sm 16:15
Feicfidh mé d'aghaidh de bharr m'fhíréantachta, agus ag dúiseacht dom beidh mé sásta le radharc do ghnúise.

An Ghlóir

Glóir do Dhia sna harda,
agus ar talamh síocháin do lucht dea-thola.
Molaimid thú; móraimid thú; adhramid thú;
tugaimid glóir duit;
gabhairimid buíochas leat as ucht do mhórghlóire;
a Thiarna Dia, a Rí na bhflaitheas;
a Dhia, a Athair uilechumhachtaigh.
A Thiarna, a Aonmhic, a Íosa Críost.
A Thiarna Dia, a Uain Dé, Mac an Athar,
tusa a thógann peacaí an domhain, déan trócaire
orainn; tusa a thógann peacaí an domhain, glac
lenár nguí. Tusa atá i do shuí ar dheis an Athar,
déan trócaire orainn.
Óir is tú amháin is Naofa; is tú amháin is Tiarna;
is tú amháin is Ró-Ard, a Íosa Críost, mar aon leis
an Spiorad Naomh: i nglóir Dé an tAthair. Amen.

Urnaí

A Dhia, nochtann tú solas d'fhírinne dá mbíonn ar seachrán, ionas gur féidir leo filladh ar an mbóthar mór; deonaigh do gach duine a áirítear ina Chríostaí de réir a dhearbhaithé, a bhfuil díobhálach don ainm sin a sheachaint, agus gach is dual dó a chleachtadh. Sin é ár nguí chugat trí Chríost ár dTiarna. **Amen.**

Liotúirge an Bhriathair

An Chéad Léacht

Sliocht as leabhar Ísáia fáidh – 55:10-11

Seo mar a deir an Tiarna:

Mar a thagann báisteach agus sneachta anuas ó na spéartha agus nach bhfilléann suas ansin gan an talamh a mhaothú, gan fás agus eascar a chur ann, ionas go dtugann sé siól don sioladóir agus arán le hithe, is amhlaidh don bhriathar a thagann as mo bhéal, ní fhilleann orm gan toradh, gan an rud ab áil liom a dhéanamh agus mo bheart a chur i gcrích.
Briathar an Tiarna. Buíochas le Dia.

Salm le Freagra – Sm 64

*Fr: Thit an siol ar an talamh maith
agus thug toradh uaidh.*

1. Tugann tú cuairt ar an talamh, á uiscíú. Méadaíonn tú a mhaoín. Sceitheann abhainn Dé thar bruacha d'fhonn arbhar a sholáthar dó. *(Fr)*
2. Is mar sin a ullmhaíonn tú an talamh ag tabhairt uisce dá chlaiseanna. Déanann tú é a bhogadh le ceathanna. Beannaíonn tú a gheamhar. *(Fr)*

3. Cuireann tú barr ar an mbliain le d'fhéile go mbíonn do chéimeanna ag sileadh le méathras agus féarach an fhásaigh ar sileadh. *(Fr)*
4. Tá na cnoic arna gceioslú le gairdeas, tá na móineír líonta de thréada. Tá na gleannta faoi bhrat arbhair: tógann siad gártha agus canann le háthas. *(Fr)*

An Dara Léacht

Sliocht as litir N. Pól chuig na Rómhánaigh – 8:18-23
A bhráithre, measaim nach fiú le háireamh pianta na huairé seo le hais na glóire atá le foilsíú dúinn ar ball. Mar tá an dúlra féin ag tuith go díocasach le foilsíú chlann Dé. Cuireadh an dúlra freisin ó rath, ní dá dheoin féin ach mar gheall ar an té úd a chuir ó rath é. Ach bhí dóchas ann i gcónaí go bhfuasclófaí an dúlra féin ón meath ina raibh sé gafa agus go mbeadh sé rannpháirteach i saoirse ghlórmhar chlann Dé. Is eol dúinn go raibh an dúlra go léir go dtí anois ag cneadach le tinneas mar a bheadh sé ar a leaba luí seoil.

Agus ní hé an dúlra amháin atá amhlaidh ach sinne féin chomh maith; cé go bhfuil céadorthaí an Spioraid againn cheana féin, táimidne ag cneadach freisin inár gcroí istigh agus sinn ag feitheamh le go ndéanfarr clann Dé dinn agus go mbeidh ár gcorp fuascailte.

Briathar an Tiarna. Buíochas le Dia.

Alleluia, alleluia!

Is fírinne do bhriathar, a Thiarna.
Déan sinn a naomhú san fhírinne.

Alleluia!

Soiscéal N. Matha 13:1-9

Sliocht as an Soiscéal naofa de réir N. Matha

Glóir duit, a Thiarna.

Tháinig Íosa amach as an teach an lá sin agus shuigh sé síos cois na farraige, agus tháinig sluaite chomh mór sin le chéile ag triall air go ndeachaigh sé isteach i mbád agus gur shuigh inti, agus an slua go léir ina seasamh ar an gcladach. Agus rinne sé mórán cainte leo i bparabail.

Dúirt: ‘Chuaigh an sioladóir amach ag cur an tsíol. Agus sa siolchur dó, thit cuid den ghráinne le hais an bhóthair, agus tháinig an éanlaith á ithe suas. Thit cuid eile de ar na screaga, áit nach raibh mórán ithreach ann dó, agus nuair nach raibh an ithir dhoimhin aige, d'eascair sé gan mhoill. Ar éirí don ghrian, áfach, loisceadh é, agus d'fheoigh sé de cheal fréimhe. Cuid eile fós de, thit sé i measc an deilgnigh, agus d'fhás an deilgneach aníos agus phlúch é. Ach bhí cuid eile de a thit ar an talamh maith agus thug sé toradh uaidh, toradh faoi chéad in áit, faoi sheasca in áit eile, faoi thríocha in áit eile. An té a bhfuil cluasa air, éisteadh sé!’

Soiscéal an Tiarna. Moladh duit, a Chríost.

An Chré

Creidim in aon Dia amháin,
an tAthair uilechumhachtach, a rinne neamh agus talamh,
agus an uile ní sofheicthe agus dofheicthe.
Agus in aonTiarna amháin Íosa Críost,
Mac Aonghine Dé,
an té a rugadh ón Athair sula raibh aon saol ann,
Dia ó Dhia, solas ó sholas, Fíor-Dhia ó Fhíor-Dhia;
an té a gineadh agus nach ndearnadh,
agus atá de chomhshubstaint leis an Athair:
is tríd a rinneadh an uile ní.

Ar ár son-na, an cine daonna,
agus ar son ár slánaithe, thuirling sé ó neamh.
Ionchollaíodh le cumhacht an Spioraid Naomh é i mbroinn na Maighdine Muire agus ghlac sé nádúr daonna.
Céasadh ar an gcros é freisin ar ár son faoi Phointias Píoláit; d'fhulaing sé páis, agus adhlacadh é.

D'aiséirigh an treas lá de réir mar a d'fhógair na Scrioptúir; chuaigh suas ar neamh; tá ina shuí ar dheis an Athar.

Tiocfaidh sé an athair faoi ghlóir,
le breithiúnas a thabhairt ar bheo agus ar mhairbh,
agus ní bheidh deireadh lena ríocht.
Creidim sa Spiorad Naomh,
Tiarna agus bronntóir na beatha,
an té a ghluaiseann ón Athair agus ón Mac.
Tugtar dó adhradh agus glóir, mar aon leis an Athair agus leis an Mac: is é a labhair trí na fáithe.
Creidim san aon Eaglais, naofa, chaitliceach, aspalda.

Admhaím an t-aon bhaisteach amháin chun maithiúnas na bpeacaí.

Agus táim ag súil le haiséirí na marbh,
agus le beatha an tsaoil atá le teacht. Amen.

Liotúirge na hEocairiste

Guíge go nglacfaidh Dia, an tAthair uilechumhachtach, leis an íobairt seo uaimse agus uaibhse.

Go nglaca an Tiarna leis an íobairt seo ó do lámha,
chun onóra agus glóire a ainm,
chun sochair dúinne agus dá Naomh-Eaglais uile.

Os Cionn na nOfrálacha

A Thiarna, glac leis na tabhartais seo ó d'Eaglais. Go méadaí an tAifreann seo ár gceideamh agus go dtreisi sé naofacht ár mbeatha. Trí Chríost ár dTiarna. **Amen.**

Rúndiamhair an chreidimh :

Gach uair a ithimid an t-arán seo agus a ólaimid an chailis seo, fógraimid do bhás, a Thiarna, nó go dtaga tú.

Iargomaíneach

Beirimid buíochas leat, a Thiarna, ar son do thabhartas dúinn. Go dté do shlánú i bhfeidhm orainn a mhínice a

ghabhaimid páirt san Aifreann. Sin é ár nguí chugat trí Chríost ár dTiarna. **Amen.**

An Deasghnáth Deiridh

Go raibh an Tiarna libh.

Agus le do spiorad féin.

Go mbeannaí Dia uilechumhachtach sibh,
Athair, Mac agus + Spiorad Naomh. **Amen.**

Imíge faoi shíocháin ag glóiriú an Tiarna le bhur mbeatha, Alleluia, Alleluia. **Buíochas le Dia, Allelui**



Tamall ag guí i láthair na hEocairiste

i gCill Éinde, An Spidéal
Gach Satharn 10am—11am

Páidrin gach Domhnach

@ 6.00i.n.

Fáilte roimh cách

Más mian leat síntiús a thabhairt don paróiste ar líne, seo leanas uimhir chuntais:

Cill Éinde (Paróiste)

IBAN: IE81AIBK93740104660088

BIC: AIBKIE2D

Cill Éinde (Tuarastal an tSagairt)

IBAN: IE50AIBK93740104660161

BIC: AIBKIE2D

Oibreacha deisiúcháin riachtanacha

IBAN IE02AIBK937401046608 31

Míle Buíochas as bhur dtacaíocht